



Bosnia and Herzegovina  
Federation of Bosnia and Herzegovina  
**CANTON SARAJEVO**  
Government

Broj: 02-04-14793-6/22  
Sarajevo, 07.04.2022. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), člana 2. i 3. Zakona o utvrđivanju i obilježavanju Dana Kantona Sarajevo ("Službene novine Kantona Sarajevo", broj: 33/05) Vlada Kantona Sarajevo, na **73.** sjednici održanoj **07.04.2022.** godine, donijela je

## ZAKLJUČAK

1. Utvrđuje se Program obilježavanja Dana Kantona Sarajevo od 02.05.2022. do 09.05.2022. godine.
2. Program iz tačke 1. ovog zaključka dostavit će se Skupštini Kantona Sarajevo na potvrđivanje.
3. Za realizaciju ovog zaključka zadužuju se Ministarstvo za boračka pitanja Kantona Sarajevo, Ministarstvo za rad, socijalnu politiku, raseljena lica i izbjeglice Kantona Sarajevo, Ministarstvo za odgoj i obrazovanje Kantona Sarajevo, Služba za protokol i press Kantona Sarajevo i JU Bosanski kulturni centar, svako u okviru svojih nadležnosti.
4. Ovaj zaključak stupa na snagu danom donošenja.

**P R E M I J E R**

**Edin Forto**

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Kabinet premijera Kantona Sarajevo,
6. Ministarstvo za boračka pitanja Kantona Sarajevo,
7. Ministarstvo za rad, socijalnu politiku, raseljena lica i izbjeglice Kantona Sarajevo,
8. Ministarstvo za odgoj i obrazovanje Kantona Sarajevo,
9. Služba za protokol i press Kantona Sarajevo,
10. JU Bosanski kulturni centar (putem Kabineta premijera Kantona Sarajevo),
11. Evidencija,
12. A r h i v a.



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Broj:  
Sarajevo, 2022. godine

Na osnovu člana 120. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20) i člana 3. Zakona o utvrđivanju i obilježavanju Dana Kantona Sarajevo ("Službene novine Kantona Sarajevo", broj 33/05), Skupština Kantona Sarajevo na sjednici održanoj dana \_\_\_\_\_, donijela je sljedeći

*Prijedlog*

## **ZAKLJUČAK**

Potvrđuje se Program obilježavanja Dana Kantona Sarajevo od 02. do 09.05.2022. godine, koji je utvrdila Vlada Kantona Sarajevo.

Broj:  
2022. godine  
SARAJEVO

**PREDSJEDAJUĆI  
SKUPŠTINE KANTONA SARAJEVO**

Elvedin Okerić



**PROGRAM OBILJEŽAVANJA DANA KANTONA SARAJEVO  
02. – 09. maja 2022. godine**

<b>DATUM</b>	<b>VRJEME ODRŽAVANJA</b>	<b>NAZIV PROGRAMA</b>	<b>MJESTO ODRŽAVANJA</b>	<b>ORGANIZATOR</b>
02. – 09. maj 2022.	14:00	„Sarajevo rječju i slikom“ – tematska izložba	Multimedijalni centar „Mak“	Ministarstvo kulture i sporta KS
ponedjeljak, 02. maj 2022.	11:00-12:45	Bitka za odbranu Predsjedništva i institucija RBiH	11:00 - Mezarje Kovači, 11:45 - Spomen ubijenoj djeci, opkoljenog Sarajeva, 12:00 - Spomen groblje "Lav", 12:15 - Spomen mezarje Stadion, 12:45 - Plato ispred općine N. Grad,	Ministarstvo za boračka pitanja KS  Služba za protokol i press KS
03. – 05. maj 2022.	11:00	Odavanje počasti bosanskom šehidu	11:00 – Mezarje Kovači.	
03. – 07.05.2022.		Nastupi horova osnovnih i srednjih muzičkih škola		Ministarstvo odgoja i obrazovanja KS
04. -09. maj 2022.		Festival dječije umjetnosti – FEDU	Galerija, Foaje, Atrij, biblioteka JU BKC	JU BKC
srijeda, 04. maj 2022.		Serija muzičkih koncerata po općinama Kantona Sarajevo		JU BKC
četvrtak, 05. maj 2022.	19:30	Predstava „Car Edip“	Narodno pozorište	Ministarstvo kulture i sporta KS
četvrtak, 05. maj 2022.		Dan sjećanja na ubijenu djecu Sarajeva	Spomen obilježje ubijenoj djeci opkoljenog Sarajeva;  Historijski čas u osnovnim i srednjim školama.	Udruženje roditelja ubijene djece opkoljenog Sarajeva 92-95 Ministarstvo za rad socijalnu politiku, raseljena lica i izbjeglice Ministarstvo odgoja i obrazovanja KS
četvrtak, 05. maj 2022.	10:00	Polaganje cvijeća prvim žrtvama rata Suadi i Olgi	Most Suade i Olge (Vrbanja most)	Udruženje - Unija civilnih žrtava rata KS

**PROGRAM OBILJEŽAVANJA DANA KANTONA SARAJEVO  
02. – 09. maja 2022. godine**

05. i 06. maj 2022. četvrtak, 05. maj 2022.	16:00 – 17:00 17:00 – 18:00	Skupno muziciranje učenika Osnovnih muzičkih škola i Srednje muzičke škole	Prostor ispred Gradske tržnice, Ferhadija; Vilsonovo šetalište.	Ministarstvo odgoja i obrazovanja KS
četvrtak, 05. maj 2022.	20:00	Likovna radionica za djecu Udruženje ekologa „Arboretum – Botanička bašta“	BKC ili Spomenik ubijenoj djeci Sarajeva	Ministarstvo kulture i sporta KS
četvrtak i petak, 05. i 06. maj 2022.		Predstava „Ako dugo gledaš u ponor“	Kamerni teatar	JU BKC
05. – 15. maj 2022.		Izložba fotografija „Alija Izetbegović, prijatelji i saradnici“	JU Muzej „Alija Izetbegović“	Ministarstvo kulture i sporta KS
četvrtak ili petak, 05. ili 06. maj 2022.		Izložba umjetničkih slika Mehmeda Zaimovića JU „Muzej Sarajeva“	Mala galerija u Brusa bezistanu	Ministarstvo kulture i sporta KS
petak, 06. maj 2022.	(termin će naknadno biti utvrđen)	Koncert klasične muzike za violinu i klavir u izvedbi mr. Jasmine Kasumović i mr. Darije Kadrić Bošnjačka zajednica kulture „Preporod“	Bosanski kulturni centar	Ministarstvo kulture i sporta KS
petak, 06. maj 2022.	20:00	Svečana sjednica Skupštine Kantona Sarajeva	Velika dvorana JU BKC	Služba za protokol i press KS JU BKC
subota i nedjelja, 07. i 08. maj 2022.	09:00-20:00	Međunarodni susret <i>oldtimer</i> vozila	07.05. Izlaganje automobila na lokalitetu ispred SCC-a, Održavanje Rally Sarajevu 2022;	Služba za protokol i press KS "Old Timer Klub" Sarajevu

**PROGRAM OBILJEŽAVANJA DANA KANTONA SARAJEVO  
02. – 09. maja 2022. godine**

				08.05. Izbor najljepšeg automobila na Trgu djece Sarajeva - ispred BBI.	
subota, 07. maj 2022.	19:00	Promocija dokumentarnog filma „Izložba 92“ i izložbe „Umjetnici Sarajeva za slobodnu BiH“	JU BKC		JU BKC
nedjelja, 08. maj 2022.		Koncert Sarajevske filharmonije (G. Bizet, A. Mozart, F. Borne)	Narodno pozorište u Sarajevu		Ministarstvo kulture i sporta KS
ponedjeljak, 09. maj 2022.	10:00 – 10:30	Dan pobjede nad fašizmom Odavanje počasti i polaganje cvijeca	10:00 - Vječna vatra 10:30 - Vraca		SABNOR Ministarstvo za boračka pitanja KS,
ponedjeljak, 09. maj 2022.		Dan zlatnih ljiljana Obilazak mezarja šehida i poginulih boraca			Služba za protokol i press KS Savez dobitnika najvećih ratnih priznanja „Zlatni ljiljan“ i „Zlatna policijska značka“
ponedjeljak, 09. maj 2022.	18:00	Promocija Sabranih djela književnika Mileta Stojčića	JU BKC		Ministarstvo za boračka pitanja KS Služba za protokol i press KS JU BKC
ponedjeljak, 09. maj 2022.	19:30	Predstava „Dangerous man“	JU MES – Međunarodni teatarski festival		Ministarstvo kulture i sporta KS
ponedjeljak, 09. maj 2022.	20:00	Premijera dokumentarnog filma „Collegium artisticum“	Velika dvorana JU BKC		JU BKC

## OBRAZLOŽENJE

### I PRAVNI OSNOV

Pravni osnov za donošenje zaključka sadržan je u članu 120. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13, 47/15, 48/16, 9/20 i 14/20) i članu 3. Zakona o utvrđivanju i obilježavanju Dana Kantona Sarajevo ("Službene novine Kantona Sarajevo", broj 33/05).

### II RAZLOZI ZA DONOŠENJE

Dana 24.03.2022. godine Kabinetu premijera je dostavljen Prijedlog programa obilježavanja Dana Kantona Sarajevo od 02. do 09.05.2022. godine broj: 01-04-5189/22, a koji je izradila Komisija za izradu Prijedloga programa obilježavanja Dana Kantona Sarajevo.

Shodno odredbi člana 2. Zakona o utvrđivanju i obilježavanju Dana Kantona, Dani Kantona obilježavaju se održavanjem svečane sjednice Kantona Sarajevo, prezentiranjem građanima dostignuća Kantona Sarajevo u prethodnom periodu, obilježavanjem značajnih događaja vezanih za period odbrane od 1992. do 1995. godine; održavanjem časa historije u školama Kantona; obilaskom lokacija značajnih za period odbrane od 1992. do 1995. godine; održavanjem prigodnih humanitarnih, kulturnih i sportskih manifestacija; dodjeljivanjem javnih priznanja u skladu sa Zakonom o javnim priznanjima Kantona Sarajevo i slično. Temeljem predmetnih zakonskih odredbi, kao i cijeneći trenutnu epidemiološku situaciju, Komisija je pripremila Program koji je dostavljen Kabinetu premijera, a koji obuhvata polaganje cvijeća na lokalitetima mezarje Kovači, Spomen-obilježje ubijenoj djeci opkoljenog Sarajeva, groblje "Lav", Mezarje Stadion, plato ispred Općine Novi Grad Sarajevo, Most Suade i Olge, pijaca "Markale", Vječna vatra i Vraca, održavanja Svečane sjednice Skupštine Kantona Sarajevo kao i historijskog časa u osnovnim i srednjim školama.

Dana 17.03.2022. godine je Vlada Kantona Sarajevo donijela Rješenje o imenovanju Tima za pripremu dodatnog programa za obilježavanje Dana Kantona Sarajevo. Imenovani članovi Tima su sačinili prijedlog dodatnog programa kulturno-zabavnih i edukativnih sadržaja koji će uključivati muzičko-zabavne sadržaje na otvorenom, koncerte klasične muzike, pozorišne predstave, književne promocije, edukativno-zabavni program za najmlađe u prostorijama JU Bosanskog kulturnog centra, kao i protokolarne i druge aktivnosti za obilježavanje Dana Kantona Sarajevo, sa procjenom troškova za navedene aktivnosti.

Program koji Kabinet premijera dostavlja Vladi Kantona Sarajevo na utvrđivanje, gotovo je identičan prijedlogu Komisije uz ispravku nekih tehničkih grešaka, dok je Dodatni program posebno utvrdio predmetni Tim te se Vladi Kantona Sarajevo dostavlja objedinjeni program glavnih i dodatnih aktivnosti za obilježavanje Dana Kantona Sarajevo.

U skladu sa odredbama Zakona o utvrđivanju i obilježavanju Dana Kantona Sarajevo Program obilježavanja Dana Kantona Sarajevo donosi Vlada Kantona Sarajevo, a potvrđuje Skupština Kantona Sarajevo. Stoga, prijedlog je Kabineta premijera da Vlada Kantona Sarajevo donese Zaključak kojim se utvrđuje Program obilježavanja Dana Kantona Sarajevo, a da se isti potom dostavi Skupštini Kantona Sarajevo na potvrđivanje.



#### Član 115.

Gost na sjednicama Skupštine ima pravo da:

- učestvuje u radu Skupštine i u raspravi pred Skupštinom prema odobrenju Kolegija;
- iznosi ekspertsko mišljenje na osnovu odobrenja Kolegija; i
- daje prijedloge Skupštini za rješavanje određenih pitanja na osnovu poziva Skupštine.

Izuzetno, ukoliko se ukaže hitna potreba da gost učestvuje u radu i raspravi pred Skupštinom, Skupština može na sjednici odlučiti da mu se da riječ.

#### Član 116.

Sekretar Skupštine dužan je organizovati rad Službe Skupštine na način koji omogućava da se brzo i efikasno obrade svi zahtjevi koji su Skupštini upućeni po osnovu Zakona o slobodi pristupa informacijama u Federaciji Bosne i Hercegovine.

### VI – AKTA SKUPŠTINE

Opće odredbe o aktima

#### Član 117.

Skupština donosi Ustav, zakone, budžet i izvještaj o izvršenju budžeta, prostorni plan Kantona, Poslovnik Skupštine, odluke i zaključke, deklaracije, rezolucije, preporuke i smjernice i daje autentična tumačenja zakona ili drugog akta.

#### Član 118.

Kad Skupština vrši izmjene ili dopune općih akata Skupštine, zakon mijenja ili dopunjuje zakonom, a ostale opće akte, osim zaključka, odlukom.

Zaključak se mijenja ili dopunjuje zaključkom.

Autentično tumačenje se ne može mijenjati ili dopunjavati.

#### Član 119.

Odluka je skupštinski akt koji se donosi radi izvršavanja ili konkretizacije Ustava, zakona ili drugih općih akata ili njihovih pojedinih dijelova.

Odlukom se odlučuje i o drugim pravima i obavezama Skupštine kada je to Ustavom, zakonom, drugim općim aktom ili ovim poslovníkom određeno.

#### Član 120.

Zaključkom Skupština odlučuje o svom radu i o radu radnih tijela Skupštine i Službe Skupštine.

Zaključkom Skupština može zauzeti stav o pitanju koje je razmatrala, uključujući utvrđivanje obaveza za Vladu i kantonalne organe uprave u pogledu pripreme zakona ili drugih propisa i općih akata ili vršenja drugih poslova iz njihovog djelokruga.

Radna tijela Skupštine donose zaključke iz svog domena rada.

Član 4.

Ove Izmjene i dopune Budžeta Kantona Sarajevo za 2005. godinu stupaju na snagu danom objavljivanja u "Službenim novinama Kantona Sarajevo", a primjenjuju se od 01.01.2005. godine.

Broj 01-14-30026/05  
10. novembra 2005. godine  
Sarajevo

Predsjedavajuća  
Skupštine Kantona Sarajevo  
Meliha Alić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici od 10. novembra 2005. godine, donijela je

ZAKON

O UTVRDIVANJU I OBILJEŽAVANJU DANA  
KANTONA SARAJEVO

Član 1.

radi trajnog obilježavanja značaja uspostavljanja Kantona Sarajevo, dani od 2. maja do 9. maja proglašavaju se Danima Kantona Sarajevo (u daljnjem tekstu: Dani Kantona).

Član 2.

Dani Kantona obilježavaju se održavanjem svečane sjednice Skupštine Kantona Sarajevo (u daljnjem tekstu: Skupština) prezentiranjem građanima, na prigodan način, dostignuća Kantona Sarajevo u prethodnom periodu; obilježavanjem značajnih događaja vezanih za period odbrane od 1992. do 1995. godine; održavanjem časa historije u školama Kantona; obilaskom lokacija značajnih za period odbrane od 1992. do 1995. godine; održavanjem prigodnih humanitarnih, kulturnih i sportskih manifestacija; dodjeljivanjem javnih priznanja, u skladu sa Zakonom o javnim priznanjima Kantona Sarajevo i sl.

Član 3.

Program obilježavanja Dana Kantona donosi Vlada Kantona Sarajevo svake godine, koji potvrđuje Skupština, najkasnije do 31. marta, na zajednički prijedlog Komisije za obilježavanje, čuvanje i njegovanje historijskih događaja i ličnosti Skupštine, Komisije za boračka pitanja Skupštine i Komisije za mlade Skupštine.

Komisije iz prethodnog stava su dužne usaglašen Prijedlog obilježavanja Dana Kantona dostaviti Vladi Kantona Sarajevo, najkasnije do 1. marta tekuće godine.

Član 4.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30027/05  
10. novembra 2005. godine  
Sarajevo

Predsjedavajuća  
Skupštine Kantona Sarajevo  
Meliha Alić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici od 10. novembra 2005. godine, donijela je

ZAKON

O IZMJENAMA I DOPUNAMA ZAKONA O JAVNIM  
PRIZNANJIMA KANTONA SARAJEVO

Član 1.

U Zakonu o javnim priznanjima Kantona Sarajevo ("Službene novine Kantona Sarajevo", broj 19/97, 13/99 i 16/03), u članu 2. stav 1. iza riječi: "Počasni građanin Kantona" dodaje se riječ "i".

Stav 2. mijenja se i glasi:

"Javna priznanja iz prethodnog stava dodjeljuju se u obliku povelje, odnosno plaketa, o čijem izgledu, na osnovu javnog

konkursa, odlučuje Odbor za dodjelu plaketa Kantona (u daljnjem tekstu: Odbor)."

Član 2.

U članu 4. stav 3. riječ "pete" briše se.  
Stav 4. briše se.

Član 3.

Iza člana 4. dodaje se član 4a. koji glasi:

"Član 4a.

Uz Plaketa iz st. 1. i 2. člana 4. dodjeljuje se i novčana naknada.

Visinu novčane naknade iz prethodnog stava, utvrđuje Vlada Kantona Sarajevo, na prijedlog Odbora."

Član 4.

U članu 6. stav 1. mijenja se i glasi:

"O dodjeli javnog priznanja iz člana 4. ovog zakona, odlučuje Odbor za dodjelu Plaketa Kantona Odbor koji, na prijedlog Komisije za izbor i imenovanja i administrativna pitanja Skupštine, imenuje Skupština."

Stav 3. briše se.

Član 5.

Član 13. mijenja se i glasi:

"Član 13.

Javno priznanje Počasni građanin uručuje predsjedavajuća/predsjedavajući Skupštine, a javno priznanje "Plaketa Kantona" uručuje premijer Kantona.

Javna priznanja iz prethodnog stava uručuju se na svečanoj sjednici Skupštine, koja se održava u periodu Dana Kantona Sarajevo."

Član 6.

Ovlašćuje se Zakonodavno-pravna komisija Skupštine Kantona Sarajevo da utvrdi predčišćeni tekst Zakona o javnim priznanjima Kantona Sarajevo.

Član 7.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30028/05  
10. novembra 2005. godine  
Sarajevo

Predsjedavajuća  
Skupštine Kantona Sarajevo  
Meliha Alić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), u vezi sa članom 154. Zakona o organizaciji uprave u Federaciji Bosne i Hercegovine ("Službene novine Federacije BiH", broj 35/05), Skupština Kantona Sarajevo na sjednici od 10. novembra 2005. godine donijela je

ZAKON

O PRESTANKU VAŽENJA ZAKONA O  
KANTONALNOJ UPRAVI

Član 1.

Zakon o kantonalnoj upravi ("Službene novine Kantona Sarajevo", broj 20/01) prestaje da važi.

Član 2.

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-30029/05  
10. novembra 2005. godine  
Sarajevo

Predsjedavajuća  
Skupštine Kantona Sarajevo  
Meliha Alić, s. r.

Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), u vezi sa članom 76. stav 2. Zakona o